

Nivo stručne spremlje: III/IV, tehnička

1. Šta je drobilica?

Odgovor: Mašina koja služi za usitnjavanje rude ili kamena.

2. Ko smije upravljati drobilicom?

Odgovor: Osoba koja je obučena i ovlaštena za taj posao.

3. Kada se drobilica smije pokrenuti?

Odgovor: Tek nakon što je provjereno da niko nije u blizini i da je sve u redu.

4. Kako se zaustavlja drobilica u hitnom slučaju?

Odgovor: Pritiskom na dugme za hitno zaustavljanje (gljiva).

5. Koje dijelove ima drobilica?

Odgovor: Pogonski motor, komora za drobljenje, rešetka, kontrolna tabla.

6. Zašto je važno nositi zaštitnu opremu?

Odgovor: Radi lične sigurnosti i sprječavanja povreda.

7. Kada se vrši vizuelna kontrola drobilice?

Odgovor: Prije početka smjene i po potrebi tokom smjene

8. Ko prijavljuje kvar na drobilici?

Odgovor: Rukovaoc nadređenom ili tehničkoj službi.

9. Da li se drobilica smije puniti dok se ne isprazni prethodni materijal?

Odgovor: Ne, jer može doći do zastoja i oštećenja.

10. Kako se unosi materijal u drobicu?

Odgovor: Preko prihvatnog lijevka uz kontrolisano doziranje.

11. Kada se čisti drobilica?

Odgovor: Na kraju smjene ili kad se zaustavi, nikako dok radi.

12. Šta učiniti ako se pojavi neobičan zvuk?

Odgovor: Odmah zaustaviti rad i obavijestiti nadređenog.

13. Šta znači crveno svjetlo na upravljačkoj tabli?

Odgovor: Postoji kvar ili opasnost, rad se mora zaustaviti.

14. Koje alate koristiš za čišćenje?

Odgovor: Isključivo ručne alate, nikad dok je mašina u radu i pod naponom.

15. Šta je preopterećenje drobilice?

Odgovor: Kad u nju uđe previše materijala odjednom.

16. Koja opasnost prijeti ako se ne poštuju uputstva?

Odgovor: Povreda, kvar mašine, opasnost po život.

17. Zašto se koristi voda kod nekih drobilica?

Odgovor: Radi smanjenja prašine i hlađenja.

18. Koja dokumentacija prati rad drobilice?

Odgovor: Dnevnik rada, evidencija kvarova i kontrole.

19. Ko smije otvarati zaštitne poklopce?

Odgovor: Samo ovlašteno tehničko osoblje kada je drobilica isključena.

20. Kako se sprečava samopokretanje drobilice?

Odgovor: Isključivanjem glavnog napajanja i zaključavanjem komandi.

21. Da li je dozvoljeno prislanjati se uz drobicu dok radi?

Odgovor: Ne, to je zabranjeno zbog opasnosti od povrede.

22. Ko određuje kada se drobilica uključuje?

Odgovor: Smjenski rukovodilac ili nadzorno lice.

23. Šta znači kad drobilica vibrira više nego inače?

Odgovor: Mogući tehnički problem, potrebno je zaustaviti i provjeriti.

24. Da li je potrebno bilježiti zastoje?

Odgovor: Da, sve se evidentira u knjigu smjene.

25. Kako se štitiš od prašine?

Odgovor: Nošenjem maske i zaštitnih naočala.

26. Da li se smije ostaviti drobilica uključena bez nadzora?

Odgovor: Ne, mora biti pod stalnim nadzorom.

27. Koje komande koristiš pri upravljanju?

Odgovor: Start, stop, hitno zaustavljanje, alarm.

28. Kako prepoznaješ pregrijavanje?

Odgovor: Povećana temperatura i miris paljevine.

29. Kome prijavljuješ svaku nezgodu?

Odgovor: Nadležnom rukovodiocu i službi zaštite na radu.

30. Zašto je važno poštovati znakove upozorenja na mašini?

Odgovor: Zbog sigurnosti rukovaoca i svih u blizini.

31. Čime se upoznaje svaki zaposlenik koji zasnuje radni odnos?

Odgovor: Svaki zaposlenik se upoznaje sa poslom koji će obavljati, propisima i mjerama zaštite na radu i mjerama zaštite od požara.